

ՊԱՀԱՆՋ

(կարգապահական վարույթի համար անհրաժեշտ
ապացույցներ ներկայացնելու մասին)

«26»12.2023թ.

Կարգապահական գործ № ԿԳ-23100

Փաստաբան՝ Լուսինե Մկրտչյանին
Հասցե՝ ք. Երևան, Արշակունյաց 9

Տեղեկացնում ենք Ձեզ, որ Հայաստանի Հանրապետության վաստաբանների պալատի (**այսուհետ՝ Պալատ**) նախագահի 23.11.2023թ. թիվ 347-Ա/ԿԳ-23100 որոշմամբ վաստաբան Լուսինե Մկրտչյանի (**այսուհետ՝ Պատասխանող**) նկատմամբ հարուցվել է կարգապահական վարույթ՝ «Փաստաբանության մասին» օրենքի 19-րդ հոդվածի 1-ին և 2-րդ կետերի, ինչպես նաև Կանոնագրքի 2.7.2, 3.5.5, 3.6.1 և 3.8.4 ենթակետերի խախտման հատկանիշներով:

Կարգապահական վարույթի օրինականությունն ապահովելու և արդարացի լուծման համար նշանակություն ունեցող հանգամանքները բացահայտելու նպատակով՝ առաջարկվում է **սույն գրությունը ստանալու պահից մեկշաբաթյա ժամկետում ներկայացնել** կարգապահական վարույթի համար անհրաժեշտ ապացույցներ:

Մասնավորապես, սույն գործի շրջանակներում անհրաժեշտ է ապացուցել վաստաբան Լուսինե Մկրտչյանի վարքագծում «Փաստաբանության մասին» օրենքի և Փաստաբանի վարքագծի կանոնագրքի պահանջների խախտման հատկանիշների առկայության կամ բացակայության հանգամանքը: Այդ իսկ նպատակով, պահանջվում են հետևյալ ապացույցները՝

- Լուսինե Մկրտչյանի և Սպարտակ Հովհաննիսյանի միջև կնքված պայմանագրի պատճենը,
- ստանձնած պարտավորությունների կատարման վերաբերյալ ապացույցներ,
- ստանձնած պարտավորությունները՝ արագ և արդյունավետ կատարելու վերաբերյալ ապացույցներ,
- փաստաբանական ծառայությունների մատուցման պայմանագիրը լուծված լինելու վերաբերյալ ապացույցներ (առկայության դեպքում),
- փաստաբանական ծառայությունների մատուցման պայմանագիրը լուծված լինելու դեպքում պայմանագրով ստացած հոնորարի այն մասը, որի դիմաց փաստացի աշխատանք չի կատարվել Դիմողին վերադարձված լինելու վերաբերյալ ապացույցներ,
- փաստաբանական ծառայությունների մատուցման պայմանագիրը լուծված լինելու դեպքում հանձնարարության կատարման ընթացքում ձեռք բերված

փաստաթղթերը Դիմողին վերադարձված լինելու վերաբերյալ ապացույցներ,

• հանձնարարության կատարման ընթացքի մասին Դիմողին կանոնավորապես տեղեկացնելու և նրան հետաքրքրող հարցերին պատասխանելու վերաբերյալ ապացույցներ,

• «Փաստաբանության մասին» օրենքի 19-րդ հոդվածի 1-ին և 2-րդ կետերի, ինչպես նաև Կանոնագրքի 2.7.2, 3.5.5, 3.6.1 և 3.8.4 ենթակետերի խախտման հատկանիշների բացակայությունը հիմնավորող այլ գրավոր ապացույցներ:

Ծանուցում՝ «Փաստաբանության մասին» օրենքի համաձայն՝ *սահմանված ժամկետում պահանջված ապացույցը չներկայացնելը կարող է մեկնաբանվել ի վնաս պահանջի հասցեատիրոջ, եթե ապացուցման ենթակա փաստը, որի վերաբերյալ անհրաժեշտ էր պահանջվող ապացույցը, մնում է չապացուցված:*

Կից՝ Կողմերի իրավունքների պարզաբանման թերթիկի պատճենը:

ՀՀ փաստաբանների պալատի

աշխատակազմի սպասարկող

անձնակազմի աշխատակից՝ _____ Գարիկ Հախնազարյան

Կողմերի իրավունքների պարզաբանման թերթիկ

«Փաստաբանության մասին» օրենքի 39.4. հոդվածի համաձայն՝

1. Փաստաբանը և հաղորդում (դիմում, տեղեկանք, միջնորդություն) ներկայացրած անձը (մարմինը) սույն օրենքով սահմանված կարգով հավասար իրավունք ունեն՝
 - 1) մասնակցելու կարգապահական վարույթի բոլոր փուլերին ինչպես անձամբ, այնպես էլ ներկայացուցչի միջոցով.
 - 2) կարգապահական վարույթի հարուցման պահից ծանոթանալու կարգապահական գործի բոլոր նյութերին, դրանցից պատճեններ հանելու և գործից դուրս գրելու ցանկացած ծավալի որևէ տեղեկություն.
 - 3) տալու բացատրություններ կամ հրաժարվելու բացատրություններ տալուց.
 - 4) ներկայացնելու ապացույցներ կարգապահական գործին կցելու և հետազոտելու համար.
 - 5) հայտնելու բացարկներ փաստաբանների պալատի կարգապահական հանձնաժողովի կամ խորհրդի անդամներին և սույն օրենքի 39.5-րդ հոդվածի 1-ին մասի իմաստով սպասարկող անձնակազմի աշխատակցին.
 - 6) հարուցելու միջնորդություններ.
 - 7) հրավիրելու վկաներ, հարցեր տալու ինչպես իր, այնպես էլ մյուս կողմի կամ փաստաբանների պալատի կարգապահական հանձնաժողովի հրավիրած վկաներին.
 - 8) հարցեր տալու ելույթ ունեցողին.
 - 9) հանդես գալու եզրափակիչ ելույթով.
 - 10) ստանալու փաստաբանների կարգապահական հանձնաժողովի և փաստաբանների պալատի խորհրդի որոշումները.
 - 11) փաստաբանների պալատի կարգապահական հանձնաժողովի որոշումը բողոքարկելու փաստաբանների պալատի խորհուրդ կամ դատական կարգով, իսկ փաստաբանների պալատի խորհրդի որոշումը՝ դատական կարգով: